

• 1667 del serenissimo Mazor Conseggio (1). Se dunque quell' au-  
 • gusto rispettabile corpo dise, ch' el vedeva la perdita della sua  
 • dignità, della grandezza, della riputazion nell' abbracciar troppe  
 • materie, nel troppo addomesticarse, come credele che ghe possa  
 • piàser sta proposizion che ghe appoggia el costume, fin cioè le  
 • debolezze dell' umana natura? Quanto poi geloso sia l' affar del  
 • costume, da quai corpi el vada trattà le lo pol rilevar da una pa-  
 • rità. El lusso ze una parte del costume. Questo appartien al se-  
 • nato. El senato su quel, che concerne lusso, el pol deliberar. Non  
 • ostante l' ha conossudo colla sua sapienza l' affar de tanta gravità  
 • e importanza, perchè el riguarda tutti, che l' ha sempre portà le  
 • sue decretazion al serenissimo Mazor Conseggio. Alcune, ze vero,  
 • el ghe n' ha fatto de sua autorità, ma la maggior parte le fu por-  
 • tade in Mazor Conseggio. E pur el Mazor Conseggio aveva a lui  
 • delegà l' articolo del lusso. Le supplico onorarne de quella cle-  
 • menza, che no me ha mai abandonà. La senta la legge del se-  
 • renissimo Mazor Conseggio, colla qual el delega el lusso al se-  
 • nato, e le senta el susseguente decreto del senato, che fu portà  
 • non ostante per la sua conferma in Mazor Conseggio. Conosce el  
 • senato de questi tempi, che, in caso de far decreti interessanti l' u-  
 • niversal, i s' abbia ben da maturar, onde i sia dell' universal con-  
 • tentamento. E con rason, perchè, quando de comun consenso ze  
 • fatte le providenze, tutti ze impegnadi a sostenerle, come loro  
 • opera; e se anche col progresso del tempo le diventa incommo-  
 • de e gravose a tal' uno, vien sempre non ostante applaudide le  
 • legislative magistrature. Quando all' incontro o le ze ignote o no  
 • le ze de comun consenso, difficile e sforzada ze l' esecuzion.

• No le accolga donca sta proposizion delusoria, che ghe pianta  
 • dei falsi supposti, indecente al Mazor Conseggio, pericolosa nei  
 • oggetti, pregiudicante la dignità dell' eccelso. Con patrizio zelo

(1) Di entrambe, come pure delle susseguenti, che si trovano commemorate in que-  
 sto discorso, diedesi lettura per mezzo di un secretario.